

KRIMINALITET

Stanje kriminaliteta na području Kantona Sarajevo u periodu januar - juni 2011. godine u odnosu na isti period prethodne godine, posmatrano kroz statističke pokazatelje, karakteriše povećanje broja, registrovanih djela za 0,5%, prijavljenih lica za 8,9%, maloljetnih izvršilaca za 66%, povratnika u činjenju krivičnih djela za 4% i lica lišenih slobode za 21,2%.

U periodu januar – juni 2011. godine, registrovana su 3.642 krivična djela> što je za 17 djela ili 0,5% više nego u periodu januar – juni 2010. godine.

U 967 slučajeva (26,5% od ukupnog broja krivičnih djela), krivična djela su izvršena od strane poznatih izvršilaca, a 2.675 krivičnih djela (ili 73,5%), prijavljeno je po nepoznatom učiniocu, od kojih su za 1.292 naknadno otkriveni izvršioci (ili 48,3% od ukupnog broja prijavljenih djela po nepoznatom učiniocu), što znači da je u izvještajnom periodu, za ukupno 2.259 krivičnih djela identifikovan osumnjičeni počinitelj ili 62% (ili 1,1% manje).

Uporedni pokazatelji stanja kriminaliteta po mjesecima u periodu januar – juni 2011. godine

| mjesec 2011.godine | januar | februar | mart | april | maj | juni | 6 mj |
|------------------------------|--------|---------|------|-------|-------|-------|-------|
| broj krivičnih djela | 590 | 662 | 647 | 545 | 568 | 630 | 3.642 |
| broj rasvijetljenih djela | 381 | 413 | 414 | 349 | 314 | 388 | 2.259 |
| % ukupne rasvijetljenosti KD | 64,6% | 62,4% | 64% | 64% | 55,3% | 61,6% | 62% |
| broj prijavljenih lica | 291 | 338 | 323 | 265 | 262 | 344 | 1.823 |
| broj povratnika | 189 | 221 | 216 | 177 | 171 | 220 | 1.194 |
| broj lica lišenih slobode | 140 | 197 | 143 | 110 | 118 | 126 | 834 |

Za izvršenje navedenih djela prijavljena su 1.823 lica (za 149 ili 8,9% više), od kojih su 1.194 povratnika (ili 65,5% prijavljenih), 161 maloljetnik, a 834 je lišeno slobode (ili 45,7%). U odnosu na uporedni period veći je broj prijavljenih lica za 149 (ili 8,9%), povratnika za 46 (ili 4%), maloljetnika za 64 ili (66%) i lica lišenih slobode za 146 (ili 21,2%). U ovom periodu za 1.025 službenih izvještaja, od strane Kantonalnog tužilaštva, donesena je odluka o obustavi i neprovođenju krivičnog postupka (148 ili 12,% manje).

Uporedni pokazatelji stanja kriminaliteta na području Kantona Sarajevo

u periodu januar – juni 2011./10. godine prema glavama Krivičnog zakona FBiH-a i BiH-a

| KRIVIČNA DJELA | jan.- juni 2011 | jan.- juni 2010 | uporedba br.KD | | "rasvijetljenost" | |
|--|-----------------------|-----------------------|-------------------|-----|-------------------|-------|
| | | | + / - | % | br. KD | % |
| rotiv ustavnog poretka Federacije | 2 | 0 | 2 | --- | 1 | 50% |
| Protiv života i tijela | 94 | 81 | 13 | 16% | 85 | 90,4% |

| | | | | | | |
|--|--------------|--------------|-----------|-------------|--------------|------------|
| Protiv slobode i prava čovjeka i građanina | 125 | 126 | -1 | -0,8% | 122 | 97,6% |
| Protiv spolne slobode i morala | 14 | 13 | 1 | 7,7% | 13 | 92,9% |
| Protiv braka, porodice i mladeži | 104 | 131 | -27 | -20,6% | 104 | 100% |
| Protiv zdravlja ljudi | 109 | 85 | 24 | 28,2% | 109 | 100% |
| Protiv privrede, poslovanja i sigur. plat. prometa | 7 | 4 | 3 | 75% | 7 | 100% |
| Iz oblasti poreza | 0 | 1 | -1 | --- | 0 | --- |
| Protiv imovine | 2.800 | 2.829 | -29 | -1% | 1.466 | 52,4% |
| Protiv okoliša, poljoprivrede i prirodnih dobara | 4 | 8 | -4 | -50% | 2 | 50% |
| Protiv opće sigurnosti ljudi i imovine | 76 | 56 | 20 | 35,7% | 50 | 65,8% |
| Protiv sigurnosti javnog prometa | 40 | 28 | 12 | 42,9% | 40 | 100% |
| Protiv pravosuđa | 12 | 20 | -8 | -40% | 14 | 116,7% |
| Protiv javnog reda i pravnog prometa | 179 | 175 | 4 | 2,3% | 170 | 95% |
| Protiv podmičivanja i krivična djela protiv službene i druge odgovorne funkcije | 11 | 10 | 1 | 10% | 11 | 100% |
| Protiv privrede i jedinstva tržišta te krivična djela iz oblasti carina (KZ BiH) | 0 | 10 | -10 | ---- | 0 | --- |
| Protiv sistema elektronske obrade podataka | 0 | 1 | -1 | ---- | 0 | --- |
| Zakon o sprečavanju nasilja i nedoličnog ponašanja na sportskim priredbama (Sl.novine KS br.7/07) | 0 | 2 | -2 | ---- | 0 | --- |
| Zakon o nabavljanju, držanju i nošenju oružja i municije (Sl.novine Kantona Sarajevo br. 38/07) | 65 | 45 | 20 | 44,4% | 65 | 100% |
| UKUPNO | 3.642 | 3.625 | 17 | 0,5% | 2.259 | 62% |

1.2. PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

_Tokom izvještajnog perioda prijavljena su 94 krivična djela protiv života i tijela (13 više u odnosu na isti period 2010. godine) od kojih je za 85 ili 90,4% poznat učinilac.

Zbog postojanja osnova sumnje da su ih počinili podneseni su službeni izvještaji protiv 136 lica (33 više), a 54 su lišena slobode (21 više).

Evidentirana su slijedeća krivična djela: - ubistvo iz člana 166. KZFBiH-a – tri djela (u uporednom periodu nije bilo ovih djela, ali je registrovano jedno djelo ubistvo na mah iz člana 167. KZ FBiH-a), ubistvo u pokušaju – 11 djela (sedam više), teška tjelesna ozljeda – 48 (dva više), lahka tjelesna ozljeda – 27 (jedno više) i učestvovanja u tuči – pet djela (dva više).

Za svih 11 krivičnih djela ubistva u pokušaju izvršioци su identifikovani i službeni izvještaji dostavljeni nadležnom tužilaštvu. Ova djela izvršena su upotrebom vatrenog oružja - pet puta i upotrebom noža – šest puta.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 125 djela (jedno manje) i to: ugrožavanje sigurnosti – 120 djela, protupravno lišenje slobode - četiri i narušavanje nepovredivosti doma – jedno djelo. Zbog izvršenja navedenih djela prijavljena su 133 lica od kojih je 66 povratnika u činjenju krivičnih djela (ili 49,6%), a 27 je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 14 djela (jedno više) i to: bludne radnje – sedam djela, silovanje – četiri, iskorištavanje djeteta ili maloljetnika radi pornografija – dva i zadovoljenje pohote pred djetetom ili maloljetnikom – jedno djelo. Za izvršenje djela iz ove oblasti prijavljeno je 14 lica, koja su uz službene izvještaje predana nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovana su 104 krivična djela (27 manje)- nasilje u porodici. Službeni izvještaji podneseni su protiv 105 lica od kojih je 60 lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 120 lica, zbog postojanja osnova sumnje da su počinili 109 krivičnih djela (24 više) i to:

- neovlašćena proizvodnja i stavljanje u promet opojnih droga – 24 djela (16 više) i
- posjedovanje i omogućavanje uživanja opojnih droga – 85 djela (osam više).

Zbog zloupotrebe opojnih droga 43 lica su lišena slobode (13 manje).

U ovom periodu podneseno je 99 zahtjeva (pet više) za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 85 lica (33 više), 38 stanova (dva više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

| VRSTA OPOJNE DROGE | JANUAR-JUNI 2011. GOD. | JANUAR-JUNI 2010. GOD. |
|---|---------------------------|-----------------------------|
| Marihuana (u gramima) | 42.650,00 | 50 |
| Marihuana (paketići) | 294 | 96 |
| Marihuana (JOINT - cigarete) | 11 | 9 |
| Heroin (paketići) | 24 | 32 |
| Heroin (u gramima) | 48 | 6.629,71 |
| Speed (paketići) | 118 | 12 |
| Speed (u gramima) | 3.182,00 | 10 |
| Ecstasy (tablete) | 28 | 44 |
| Kokain (u gramima) | 20 | 28,361 |
| Kokain (paketići) | 1 | 1 |
| stabljike Cannabisa | 3 | 30 |
| MIX masa za Heroin (u gramima) | 6.000,00 | 40.220,66 |
| kreatin za miksanje sa drogom(u gramima) | --- | 523,332 |
| Heptanon /Metadon/Akineton (tab.) | --- | 2-3 ml solucije metadona |
| pribor sa ostacima droge (komada) | 34 | 44 |

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je sedam djela (dva više) i to obmana pri dobijanju kredita ili drugih pogodnosti – četiri i krivotvorenje znakova za obilježavanje roba mjera i utega – tri djela, za čije izvršenje je prijavljeno šest lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a, koja su registrovana od strane Odjeljena za privredni kriminal i to: krivotvorenje isprave – 12 djela, prijevara – sedam, nesavjestan rad u službi – četiri, zloupotreba položaja ili ovlaštenja – dva, itd. a koja su prijavljena u prvih šest mjeseci 2011. godine, nastupila je materijalna šteta u ukupnom iznosu od 396.172,93 KM.

Pregled nastale materijalne štete izvršenjem krivičnih djela iz oblasti protiv „privrede“

| | |
|--------------------|---------------|
| “SUBJEKTI” | NOVČANI IZNOS |
| PRIVREDNI SUBJEKTI | 195.399,82 KM |

| | |
|--------------|---------------|
| BUDŽET FBiH | 92.900,00 KM |
| FIZIČKA LICA | 107.873,11 KM |
| UKUPNO | 396.172,93 KM |

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 76,9% ukupnog kriminaliteta što predstavlja smanjenje ovog parametra u odnosu na uporedni period za 1,1%, kada su „imovinski delikti“ činili 78% ukupnog kriminaliteta. Naime, registrovano je 2.800 djela iz ove oblasti što je za 29 djela manje.

Najbrojnija djela iz ove oblasti su: teške krađe – 1.889 (25 više), krađe – 376 (14 manje), razbojništva – 234 (šest manje), oštećenje tuđe stvari – 90 (dva više), teška krađa u pokušaju – 68 (25 manje), prijevarena – 32 (jedno više), utaja – 22 (11 manje), itd.

Za ukupno 1.466 djela ili 52,4% identifikovan je osumnjičeni počinilac, što je u odnosu na isti period prethodne godine, smanjenje za 1,5%.

Objekti napada pri vršenju krivičnih djela protiv imovine najčešće su bili stambeni objekti –790 puta (251 više) motorna vozila 547 (334 manje), poslovni prostori i prodavnice – 412 (142 više), na ulici – 123 (osam manje), itd., pri čemu je otuđivan novac, motorna vozila, tehnička roba, zlatni nakit, auto-dijelovi, itd.

U prva šest mjeseci ove godine na području Kantona Sarajevo izvršena su 264 krivična djela teških krađa motornih vozila, od čega je 83 ili 31,3% vraćeno što je za 10,7% veći procenat povrata vozila. (od strane policije MUP Kantona Sarajevo vraćena su 24 vozila, MUP RS-a – 13, drugih MUP-ova – 10, uz novčanu nadoknadu - četiri, a 32 vozila vlasnici su sami pronašli).

U odnosu na uporedni period broj otuđenih vozila, značajno je smanjen i to za 164 vozila ili 38,3%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 34 lica (28 manje) od kojih su 22 povratnika, a zbog postojanja osnova sumnje da su počinili krivična djela iznude novca za otkup ukradenih vozila podneseni su službeni izvještaji protiv četiri lica i svi su povratnici.

U prvom polugodištu 2011. godine, službenici policije su podnijeli službene izvještaje Kantonalnom tužilaštvu u Sarajevu protiv ukupno 105 lica (devet više) za koja postoje osnovi sumnje da su u ovom periodu počinili krivična djela razbojništva, razbojničke krađe i pokušaj istih. Od toga broja, 82 lica su povratnici u vršenju krivičnih djela ili 78,1%.

Razbojništva i razbojničke krađe su najčešće činjena na ulici, u prodavnicama, sportskim kladionicama, a predmeti otuđenja su uglavnom bili mobiteli, nakiti, novac i tašne. Prema načinu izvršenja, najveći broj razbojništava i razbojničkih krađa izvršen je prijetnjom upotrebe noža, zatim prijetnjom pištoljem i upotrebom fizičke snage.

Ukupno je rasvjetljeno 117 ovih djela ili 46,8% što je za 5,6% manje.

Nasilno oduzimanje mobitela direktno se odražava i na broj teških krađa na naročito opasan ili naročito drzak način. U ovom periodu evidentirana su 232 djela ove vrste (74 više), od čega je 109 ili 47% rasvjetljeno, što je 8,1% manja rasvjetljenost.

Za izvršenje ovih oblika teških krađa, prijavljena su 102 lica, od kojih su 64 povratnici, a 30 je lišeno slobode.

KRIVIČNADJELAPROTIVOPĆESIGURNOSTILJUDIIMOVINE

Iz ove oblasti evidentirano je 76 djela (20 više) i to: izazivanje opće opasnosti – 68 djela, teška djela protiv opće sigurnosti ljudi i imovine – pet djela, nesavjesno čuvanje pasa i drugih opasnih životinja - dva i izazivanje opće opasnosti u pomaganju – jedno djelo.

Krivična djela izazivanja opće opasnosti izvršena su na otvorenom prostoru – 54 puta, u stambenim objektima – šest, ugostiteljskim – četiri, poslovnim - dva puta, te u prostorijama PS Centar i u tramvaju – po jedno. U 13 slučajeva aktivirana je nepoznata eksplozivna naprava, 34 puta je pucano iz vatrenog oružja, 20 puta je otvorenim plamenom izazvan požar i u jednom slučaju je prijećeno aktiviranjem ručne bombe u prostorijama policijske stanice. Posljedica izvršenja navedenih djela je ranjavanje devet lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 69 lica, od čega je 39 povratnika, a 45 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 179 krivičnih djela (četiri više) i to: nasilničko ponašanje - 88 djela, nedozvoljeno držanje oružja ili eksplozivnih materija – 20, napad na službenu osobu u vršenju poslova sigurnosti – 21, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 209 lica, od kojih je 125 povratnika ili 59,8%, a 100 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U proteklih šest mjeseci ove godine, maloljetna lica su učestvovala u izvršenju 268 krivičnih djela (16 ili 6,3% više), a za izvršenje ovih djela prijavljen je 161 maloljetnik (64 ili 66% više). Među prijavljenim maloljetnim izvršiocima, 22 je djece do 14 godina, 78 je u dobi između 14 i 16 godina, a 61 je u dobi između 16 i 18 godina. Prema polnoj strukturi, 153 maloljetna izvršioca su muškog, a osam ženskog pola.

-

Pregled broja maloljetnih izvršilaca krivičnih djela prema starosnoj strukturi

za period januar- juni 2011. godine

| Starosna dob maloljetnika | do 14 g | 14 -16 | 16-18 | ukupno |
|---------------------------|---------|--------|-------|--------|
|---------------------------|---------|--------|-------|--------|

| | | | | |
|-----------------------------|----|----|----|-----|
| Broj maloljetnih izvršilaca | 22 | 78 | 61 | 161 |
|-----------------------------|----|----|----|-----|

Karakteristično je da su maloljetnici koji su prvi put registrovani brojniji od povratnika u izvršenju krivičnih djela, posebno ako se ima u vidu da su sve do sada povratnici bili brojniji. U proteklih šest mjeseci, 100 maloljetnika je prijavljeno prvi put, a 61 je povratnik u izvršenju krivičnih djela (ili 37,9%). U istom periodu prošle godine povratnici su bili zastupljeni sa 53,6%.

Krivična djela koja su počinili maloljetnici, izvršena su prema 70 maloljetnih lica.

Podaci sa kojima raspolažemo ukazuju na raznolikost krivičnih djela u čijem izvršenju su učestvovali maloljetnici: od ubistva u pokušaju do krađe metalnih kolica za prevoz robe u supermarketu.

Ipak, najbrojnija su krivična djela protiv imovine-212 (ili 79,1%) pri čemu prevladavaju teške krađe (72), razbojništva (46), teške krađe na naročito opasan ili naročito drzak način (35), te krađe (35). U odnosu na uporedni period, u proteklih šest mjeseci znatno je povećan broj krivičnih djela krađa (za 28 ili 400%) i teških krađa na naročito opasan ili naročito drzak način (za 11 ili 45,8), dok je istovremeno znatno smanjen broj krivičnih djela teških krađa (za 22 ili 23,4%).

Razbojništva (46 djela) i drske krađe (35 djela) izvršena su na sljedeći način:

- Prijetnja nožem/čakijom-32;
- Ozbiljne verbalne prijetnje-19;
- Prijetnja šarafcigerom, metalnom šipkom i nepoznatim predmetom-9;
- Fizički napad/otimanje iz ruke-9;
- Presjecanje elektro kablova sjekirom (na željezničkom mostu)-7;
- Posjekotina nožem-3;
- Prijetnja vatrenim oružjem-2;

Maloljetnici su prijavljeni za izvršenje 13 krivičnih djela iz oblasti protiv života i tijela, a radi se o ubistvu u pokušaju - dva djela (jedno više u odnosu na isti period 2010. godine), nanošenju teške tjelesne povrede - šest (jedno više) i nanošenju lahke tjelesne povrede- pet (jedno više). Zbog krivičnog djela nasilničkog ponašanja podneseno je 11 službenih izvještaja (šest više), a zbog izazivanja opće opasnosti podnesena su četiri službena izvještaja (jedan manje).

U proteklom periodu podneseni su službeni izvještaji nadležnom tužilaštvu protiv sedam maloljetnih lica zbog krivičnog djela posjedovanja opojne droge, a protiv 11 maloljetnika podneseni su službeni izvještaji zbog krivičnog djela ugrožavanja sigurnosti.

Pregled registrovanih krivičnih djela izvršenih od strane maloljetnih lica

za period januar- juni 2011/2010. godine

| Naziv krivičnog djela | jan.-juni 2011. | jan.-juni 2010. | Uporedba |
|------------------------|-----------------|-----------------|-------------|
| Ubistvo u pokušaju | 2 | 1 | +1 ili 100% |
| Teška tjelesna povreda | 6 | 5 | +1 ili 20% |

| | | | |
|---|-----|-----|----------------|
| Lahka tjelesna povreda | 5 | 4 | +1 ili 25% |
| Ugrožavanje sigurnosti | 11 | 3 | +8 ili 266,7% |
| Bludne radnje | 1 | 0 | +1 |
| Iskorištavanje djeteta ili mladb radi pornografije | 1 | 0 | +1 |
| Nasilje u porodici | 3 | 3 | 0 |
| Neovlaš. proizvod. i stav. u promet opojnih droga | 0 | 1 | -1 ili -100% |
| Posjedov. i omoguć. uživanja opoj. droga | 7 | 7 | 0 |
| Krađa | 35 | 7 | +28 ili 400% |
| Teška krađa | 72 | 94 | -22 ili -23,4% |
| Teška krađa-pokušaj | 12 | 16 | -4 ili -25% |
| Teška krađa na naroč. opasan ili naročito drzak način | 35 | 24 | +11 ili 45,8% |
| T. krađa na nar. opas. ili nar. drzak način-saučiniteljstvo | 2 | 0 | +2 |
| Razbojništvo | 46 | 50 | -4 ili -8% |
| Razbojništvo- pokušaj | 4 | 4 | 0 |
| Oštećenje tuđe stvari | 3 | 6 | -3 ili -50% |
| Utaja | 2 | 1 | +1 ili 100% |
| Oduzimanje tuđe pokretnine | 0 | 1 | -1 ili -100% |
| Prijevvara | 0 | 1 | -1 ili -100% |
| Pripremanje krivičnog djela | 0 | 1 | -1 ili -100% |
| Pomoć učinitelju poslije učinjenog krivičnog djela | 1 | 0 | +1 |
| Paljevina | 1 | 2 | -1 ili -50% |
| Mučenje i ubijanje životinja | 0 | 1 | -1 ili -100% |
| Izazivanje opće opasnosti | 4 | 5 | -1 ili -20% |
| Napad na sl. osobu u vršenju poslova sigurnosti | 0 | 1 | -1 ili -100% |
| Nasilničko ponašanje | 11 | 5 | +6 ili 120% |
| Nedozvoljeno držanje oružja i eksp. materija | 0 | 3 | -3 ili -100% |
| Nedozv.držanje oružja i eksp. materija-pomaga. | 0 | 1 | -1 ili -100% |
| Krivotvorenje isprave | 1 | 0 | +1 |
| Krivotvorenje novca (čl.205 KZ BiH) | 0 | 2 | -2 ili -100% |
| ZONDINOM (čl. 52) | 3 | 3 | 0 |
| ukupno | 268 | 252 | +16 ili 6,3% |

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih djela u proteklih šest mjeseci 2011. godine, može se konstatovati da su maloljetnici najveći broj krivičnih djela izvršili na području općina Centar (63 službena izvještaja), Novi Grad (49) i Novo Sarajevo (42).

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-juni 2011. godine registrovano je 14 slučajeva namjernog aktiviranja minsko-eksplozivnih sredstava (10 ili 250% više u odnosu na isti period 2010. godine), koja su za posledicu imala materijalnu štetu na stambenim objektima i putničkim vozilima. U četiri slučaja izvršiooci su identifikovani i protiv njih su preduzete odgovarajuće zakonske mjere.

U proteklom periodu prijavljen je i slučaj bacanja flaše sa zapaljivom tečnošću, tzv Molotovljev koktel na vrata ugostiteljskog objekta na području općine Stari Grad. Izvršilac je identifikovan i protiv njega su preduzete zakonske mjere.

Registrovane su 22 anonimne dojave o postavljenim eksplozivnim napravama (pet više u odnosu na isti period 2010. godine), od kojih se većina odnosila na škole. Nakon KDZ pregleda utvrđeno je da su dojave bile lažne. U sedam slučajeva identifikovano je pet maloljetnih lica koja su upućivala lažne dojave o postavljenim eksplozivnim napravama u školama, kao i dva lica koja su u novembru 2010. godine uputila lažnu dojavu, i protiv njih su preduzete zakonske mjere.

POŽARI

Tokom prvog polugodišta 2011. godine, na području Kantona Sarajevo registrovana su 82 požara (14 manje), u kojima je jedno lice poginulo, a tri lica lakše povrijeđena.

Prema statističkim pokazateljima, 34 požara su izazvana namjerno, 13 zbog tehničkih nedostataka, četiri su prouzrokovana nehatom, dok uzrok 31-nog požara spada u kategoriju ostalih.

Zbog izazivanja požara, nadležnom tužilaštvu su podnesena 22 službena izvještaja: 20 iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

U prvih šest mjeseci 2011. godine na području Kantona Sarajevo registrovano je 17 samoubistava (šest manje), koja su izvršena vješanjem – sedam puta, pucanjem iz vatrenog oružja – pet puta, skokom sa visine – tri i trovanjem dva puta.

Prema spolu, izvršiooci su 12 muškaraca i pet žena, od kojih su dva lica u dobi do 20 godina, četiri lica u dobi od 30 do 50 godina i 11 lica u dobi preko 30 godina.

JAVNI RED I MIR

Zbog raznih oblika narušavanja javnog reda i mira službenici policije su u periodu januar-juni 2011. godine podnijeli ukupno 3.287 prekršajnih naloga i zahtjeva za pokretanje prekršajnog postupka (naloga-2.083, zahtjeva-1.204), što u odnosu na prvo polugodište 2010. godine predstavlja smanjenje za 168 ili 4,9%. Prekršajne sankcije preduzete su protiv 3.578 lica (194 ili 5,1% manje).

Od ukupnog broja naloga i zahtjeva, 2.957 ili 90% odnosi se na prekršaje utvrđene Zakonom o prekršajima protiv javnog reda i mira, a 330 ili 10% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnose se 282 ili 8,6% naloga i zahtjeva, 100 ili 3% na maloljetna lica i pet ili 0,2% na strane državljane.

S obzirom na starosnu strukturu lica protiv kojih su u prvom polugodištu ove godine podneseni prekršajni nalozi i zahtjevi (ukupno 3.578), najveći broj je onih starosne dobi preko 36 godina (1.664), zatim starosti između 26 i 35 godina (1.066) i između 19 i 25 godina (739), dok je maloljetnih učinilaca prekršaja bilo 109 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-juni 2011. godine, u slučajevima kada se radilo o prekršajima, nije bilo teže povrijeđenih lica (u prvom polugodištu 2010. godine jedno), dok je lakše povrijeđeno 267 lica (16 ili 6,4% više). Najveći broj povrijeđenih lica registrovan je na području općine Novi Grad (78), Novo Sarajevo (73) i Centar (43).

Pregled broja uručenih/podnesenih naloga i zahtjeva za pokretanje prekršajnog postupka za period januar-juni 2011. godine, po mjesecima

| januar-juni 2011. | prekršajni nalozi | zahtjevi za ppp | ukupno |
|----------------------|-------------------|-----------------|--------|
| januar | 330 | 128 | 458 |
| februar | 283 | 179 | 462 |
| mart | 327 | 222 | 549 |
| april | 352 | 192 | 544 |
| maj | 311 | 238 | 549 |
| juni | 480 | 245 | 725 |
| ukupno | 2.083 | 1.204 | 3.287 |

Posmatrano po mjesecima, najveći broj naloga i zahtjeva podnesen je u mjesecu junu, a najmanji u mjesecu januaru ove godine, s tim da je broj uručenih prekršajnih naloga znatno veći od broja podnesenih zahtjeva za pokretanje prekršajnog postupka (63,4% naloga).

Posmatrano po policijskim stanicama, najveći broj prekršajnih sankcija preduzeli su službenici policijskih stanica Centar (954 ili 29,% od ukupnog broja) i Novo Sarajevo (936 ili 28,5%) Pri tome, potrebno je istaći da se najveći broj prekršaja koje su evidentirali službenici policijskih stanica Centar, Stari Grad i Novo Sarajevo odnosi na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području navedene tri općine, posebno u vrijeme turističke sezone, vjerskih. i drugih manifestacija.

Od 3.287 prekršaja iz Zakona o prekršajima protiv javnog reda i mira, najbrojnija su prosjačenja-1.136; zatim tuče-581; naročito drsko ponašanje-518; odbijanje naređenja i omalovažavanje policijskih službenika-224; svađa, vika, nepristojno ponašanje-79; paljenje petardi-tri; neovlaštena upotreba oružja-jedan; ostali prekršaji iz Zakona o javnom redu i miru.

Broj prekršajnih sankcija zbog narušavanja javnog reda i mira tučom, u odnosu na isti period 2010. godine, veći je za 55 (ili 10,5%); naročito drskim ponašanjem je veći za 45 (ili 9,5%); neovlaštenom upotrebom oružja veći je za jedan; odbijanjem naređenja i omalovažavanjem službenika policije manji je za 18 (ili 7,4%); svađom, vikom, nepristojnim ponašanjem je manji za 10 (ili 11,2%); paljenjem petardi je manji za četiri (ili 57,1%); prosjačenjem je manji za 144 (ili 11,3%); uživanjem opojne droge na javnom mjestu manji je za dva (ili 100%) i broj prekršajnih sankcija zbog ostalih prekršaja iz Zakona o javnom redu i miru je takođe smanjen za 17 (ili 3,9%). Broj prekršajnih sankcija zbog prekršaja koji su regulisani Odlukom općinskih vijeća o javnom redu i miru (konzumiranje alkohola na nedozvoljenim mjestima, nelegalna ulična prodaja i dr.) manji je za 74 (ili 18,3%).

Tabelarni pregled strukture prekršaja iz oblasti javnog reda i mira za koja su uručeni prekršajni nalozi i podneseni zahtjevi za pokretanje prekršajnog postupka za period januar-juni 2011./ 2010.godina

| | januar-juni 2011. | januar-juni 2010. | uporedba |
|---|----------------------|----------------------|---------------------|
| UKUPNO NALOGA I ZAHTJEVA | 3.287 | 3.455 | -168 ili 4,9% |
| UKUPNO LICA | 3.578 | 3.772 | -194 ili 5,1% |
| Prekršaji iz Zakona o prekršajima protiv JRiM: | 2.957 | 3.051 | -94 ili - 3,1% |
| -Tuče | 581 | 526 | +55 ili 10,5% |
| -Naročito drsko ponašanje | 518 | 473 | +45 ili 9,5% |
| -Odbijanje naređenja i omalov. služb. policije | 224 | 242 | -18 ili - 7,4% |
| -Svađa, vika, nepristojno ponašanje | 79 | 89 | -10 ili - 11,2% |
| -Neovlaštena upotreba oružja | 1 | 0 | +1 |
| -Paljenje petardi | 3 | 7 | -4 ili - 57,1% |
| -Prosjačenje | 1.136 | 1.280 | -144 ili - 11,3% |

| | | | |
|--|-----|-----|----------------|
| <i>-Uživanje opojne droge na javnom mjestu</i> | 0 | 2 | -2 ili -100% |
| <i>-Ostali prekršaji iz Zakona o prekrš. protiv JRiM</i> | 415 | 432 | -17 ili -3,9% |
| Prekršaji prema Odluci OV o JRiM | 330 | 404 | -74 ili -18,3% |

Prema mjestu izvršenja, a na osnovu broja naloga i zahtjeva, najveći broj prekršaja učinjen je na ulici i na drugim otvorenim prostorima- 2.671 (ili 81,3%); u ugostiteljskim objektima- 221 (ili 6,7%); vozilima javnog saobraćaja- 34 (ili 1%); školama i školskim dvorištima- 20 (ili 0,6%); trgovinskim i zanatskim radnjama-12 (ili 0,4%); sportskim stadionima i dvoranama- sedam (ili 0,2%). Zbog prekršaja izvršenih na ostalim mjestima podnesena su 322 naloga i zahtjeva (ili 9,8%).

Prema prikazanim pokazateljima, povećan je broj prekršajnih sankcija zbog prekršaja kojima se narušava javni red i mir u ugostiteljskim objektima (za 36 ili 19,5%), te na ostalim mjestima (za 28 ili 9,5%), u vozilima javnog saobraćaja je isti, dok je na svim ostalim mjestima taj broj smanjen.

Pored prekršajnih sankcija, službenici policije su zbog krivičnih djela izvršenih u školama i školskim dvorištima nadležnom tužilaštvu podnijeli 22 službena izvještaja (jedan manje u odnosu na isti period 2010. godine) i to zbog sljedećih djela: krađa-6; ugrožavanje sigurnosti-4; nanošenje teške tjelesne povrede-2, nasilničko ponašanje-2; posjedovanje opojne droge-2; teška krađa-2; nanošenje lahke tjelesne povrede, bludne radnje, oštećenje tuđe stvari i pokušaj razbojništva-po jedno djelo.

-

SIGURNOST SAOBRAĆAJA

Tokom perioda januar-juni 2011 godine, stanje sigurnosti saobraćaja karakteriše povećanje ukupnog broja saobraćajnih nezgoda, broja nezgoda sa materijalnom štetom i sa nastradalim licima, kao i broja nastradalih lica.

Registrovane su 4.594 saobraćajne nezgode (156 ili 3,5 % više), 4.182 sa materijalnom štetom (100 ili 2,4 % više) i 412 sa nastradalim licima (56 ili 15,7 % više).

U naselju je registrovano 4.426 saobraćajnih nezgoda (13 sa poginulim, 366 sa povrijeđenim licima i 4.047 sa materijalnom štetom), van naselja 168 nezgoda (jedna sa poginulim, 32 sa povrijeđenim licima i 135 sa materijalnom štetom).

Registrovana je 801 saobraćajna nezgoda na raskrsnicama u naselju, devet na raskrsnicama van naselja, pet na pješačkom prelazu, pet na mostu, dvije na prelazu preko željezničke pruge, jedna na nadvožnjaku, jedna na podvožnjaku i 3.770 saobraćajnih nezgoda čije se karakteristike ubrajaju u kategoriju ostalih.

Usporedni pokazatelji stanja sigurnosti saobraćaja na području Kantona Sarajevo

januar-juni 2011/2010.godina

| | 2011 | 2010 | + - % |
|--|-------|-------|--------------------|
| UKUPNO SAOBRAĆAJNIH NEZGODA | 4.594 | 4.438 | + 156 ili 3,5 % |
| Saobraćajne nezgode sa nastradalim licima | 412 | 356 | + 56 ili 15,7 % |
| Saobraćajne nezgode sa materijalnom štetom | 4.182 | 4.082 | + 100 ili 2,4 % |
| POGINULO LICA | 14 | 11 | + 3 ili 27,3 % |
| - vozači | 5 | 3 | + 2 ili 66,7 % |
| - putnici | 3 | 2 | + 1 ili 50 % |
| - pješaci | 6 | 6 | isto |
| POVRIJEĐENO LICA | 528 | 446 | + 82 ili 18,4 % |
| - vozači | 219 | 184 | + 35 ili 19 % |
| - putnici | 177 | 133 | + 44 ili 33,1 % |
| - pješaci | 132 | 129 | + 3 ili 2,3 % |

Tokom prvog polugodišta 2011. godine, u saobraćajnim nezgodama na području Kantona Sarajevo 542 lica su nastradala (85 ili 18,6 % više). Četrnaest lica je poginulo (tri ili 27,3 % više), dok je 528 lica povrijeđeno (82 ili 18,4 % više), 66 teže i 462 lakše.

Među poginulim licima, šest je pješaka (isto kao u usporednom periodu), pet vozača (dva više) i tri putnika (jedan više).

Među 14 poginulih lica, četiri su naknadno podlegla – dva vozača i dva pješaka.

Šest pješaka poginulo je u saobraćajnim nezgodama koj su se dogodile na području općina: Novo Sarajevo – dva (u Ulicama B. M. Selimovića i V transverzala), Centar – jedan (na raskrsnici Ulica Alipašina i Jukićeva), Novi Grad – jedan (u Ulici B. M. Selimovića), Ilidža – jedan (u Ulici Dž. Bijedića) i Hadžići – jedan (u Ulici Hadželi).

Pet vozača poginulo je u saobraćajnim nezgodama koje su se dogodile na području općina: Novi Grad – tri (u Ulicama Dobroševića, Kurta Šorka i B. M. Selimovića), Novo Sarajevo – jedan (na raskrsnici Ulica Zmaja od Bosne i H. Čemerlića) i Ilijaš – jedan (na magistralnom putu M 18, u mjestu Čevljanovići).

Tri putnika poginula su u saobraćajnim nezgodama koje su se dogodile na području općina: Novi Grad (u Ulici IX transverzala), Hadžići (na magistralnom putu M 17- u mjestu Donji Zovik) i Ilijaš (u Ulici Mrakovo).

Najkritičnija saobraćajnica za učesnike u saobraćaju bio je Bulevar Meše Selimovića, gdje su poginula tri lica – dva pješaka i jedan vozač.

Od ukupno 528 povrijeđenih lica, najbrojniji su pješaci 132 (tri više), zatim vozači – 219 (35 više) i putnici - 177 (44 više).

Kada je u pitanju stepen povreda, 29 vozača je teže, a 190 lakše povrijeđeno. Dvanaest putnika je teže, a 165 lakše povrijeđeno, dok je 25 pješaka teže i 107 lakše povrijeđeno.

Najveći broj lica povrijeđenih u saobraćajnim nezgodama evidentiran je na području općina: Novi grad – 106 (13 teže i 93 lakše) i Centar – 105 (devet teže i 96 lakše).

Starosna struktura lica povrijeđenih u saobraćajnim nezgodama je sljedeća: od 25 do 30 godina - 108 lica, od 31 do 40 godina – 97 lica, od 21 do 24 godine – 74 lica, od 41 do 50 godina – 70 lica, itd.

Posmatrano po kategorijama puta, najviše saobraćajnih nezgoda registrovano je na ulicama u naselju – 3.559 nezgoda u kojima je 371 –no lice nastradalo (13 lica poginulo i 358 povrijeđeno). Na magistralnim putevima registrovana je 621-na saobraćajna nezgoda u kojoj je 111 lica lica nastradalo (jedno lice poginulo i 110 lica povrijeđeno), na regionalnim putevima – 250 nezgoda sa 30 povrijeđenih lica, na lokalnim putevima –87 nezgoda (11 lica povrijeđeno) i na putevima koji se ubrajaju u kategoriju ostalih – 77 saobraćajnih nezgoda sa 19 povrijeđenih lica.

UZROCI SAOBRAĆAJNIH NEZGODA

Osim ostalih uzroka (3.803), koji su za posljedicu imali četiri poginula i 268 povrijeđenih lica, najčešći uzroci saobraćajnih nezgoda bili su: neprilagođena brzina –656 saobraćajnih nezgoda (pet lica poginulo i 182 povrijeđena) i uticaj alkohola –131 (tri lica poginula i 67 povrijeđeno). Uticaj opojnih droga izazvao je tri saobraćajne nezgode u kojima su dva lica poginula a 11-ero povrijeđeno, dok je odron na putu izazvao jednu saobraćajnu nezgodu sa materijalnom štetom.

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su u periodu januar- juni 2011. godine, kontrolisali ukupno 131.732 vozila (10.429 manje), 46.591-no lice u vozilima (6.266 manje), izvršili pregled 3.480 vozila (959 manje) i 2.581-no lice u vozilima (726 manje). Zbog tehničke neispravnosti, iz saobraćaja je isključeno 206 vozila (46 više), 2.850 vozača je zatečeno da upravlja vozilom pod dejstvom alkohola (185 manje), 6.076 bez korištenja sigurnosnog pojasa (510 manje), 994 bez položenog vozačkog ispita (šest više), a 1.153 vozača su učestvovala u saobraćaju sa vozilom bez važeće registracije (47 više). Zbog kršenja propisa iz oblasti sigurnosti saobraćaja uručena su 78.773 prekršajna naloga vozačima (8.150 više), podneseno 179 zahtjeva za pokretanje prekršajnog postupka (2.216 manje) i registrovano 40 krivičnih djela zbog ugrožavanja sigurnosti javnog prometa (12 više).

AKTIVNOSTI SLUŽBENIKA POLICIJE PO PITANJU SAOBRAĆAJA U MIROVANJU

I KONTROLE PJEŠAKA ZA JANUAR- JUNI 2011/2010. GODINE

Tokom perioda januar –juni 2011. godine, pripadnici Uprave policije su uručili 14.642 prekršajna naloga vozačima koji nisu poštivali saobraćajne propise prilikom parkiranja, što je za 10.346

manje u odnosu na isti period prošle godine, upozorili su 2.874 vozača (290 više), a specijalnim vozilom „pauk“ premjestili su 1.494 vozila (502 više). Zahtjeva za pokretanje prekršajnog postupka nije bilo.

Najveći broj vozača koji su vozila nepropisno parkirali na javnim površinama i prema kojima su preduzimate odgovarajuće sankcije, evidentiran je na području općina Centar i Stari Grad.

U izvještajnom periodu, upozorena su 582 pješaka (111 manje) i uručeno 607 prekršajnih naloga pješacima (1.717 manje).

ZAKONITOST U RADU

U periodu januar-juni 2011. godine, registrovan je 21 napad na službenu osobu u vršenju poslova sigurnosti (10 više). U napadima je učestvovalo 26 punoljetnih lica koja su lišena slobode.

Službenici policije su tokom izvještajnog perioda u 26 slučajeva opravdano upotrijebili sredstva prinude (osam više).

Tokom perioda januar-juni 2011. godine, podneseno je 165 predstavki na rad službenika policije (78 više). Za 104 predstavke je donesen zaključak da su neosnovane, za 60 predstavki je data saglasnost za provođenje unutrašnje istrage, dok je za jedan slučaj postupak pravdanja sile u toku.

Postupano je po 21-noj predstavci iz ranijeg perioda, tako da je vođena ukupno 81- na unutrašnja istraga (43 manje).

Okončano je 56 unutrašnjih istraga, među kojima za 28 slučajeva nije bilo dovoljno dokaza, u 14 slučajeva žalbe su neosnovane, u 12 slučajeva osnovane, u jednom slučaju postupak je obustavljen i u jednom slučaju stranka je odustala od žalbe.

Takođe, uz saglasnost Ureda za pritužbe javnosti MUP-a Kantona Sarajevo postupano je i po 135 raznih akata koji nisu imali karakter predstavke.

AKTIVNOSTI NA PROVOĐENJU ZAKONA O NABAVLJANJU,

DRŽANJU I NOŠENJU ORUŽJA I MUNICIJE

Ovim Zakonom se utvrđuju uvjeti za nabavljanje, držanje i nošenje oružja i municije, oduzimanje oružja i municije, promet oružja i municije, popravlanje i prepravlanje oružja na području Kantona Sarajevo (član 1. Zakona)

U periodu januar – juni 2011. godine evidentirano je 65 krivičnih djela koja su regulisana Zakonom o nabavljanju, držanju i nošenju oružja i municije (20 više), počinjenih od strane 67 izvršilaca, od kojih su 24 lišena slobode.

Od strane Policijskih uprava fizičkim licima izdato je 360 odobrenja za nabavku vatrenog oružja, 436 oružnih listova i izvršeno 147 zamjena oružnih listova za fizička lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 50 pištolja, deset pušaka, 68 noževa i drugih oštih predmeta, devet boksera, 731 kom. municije različitog kalibra, 171 petarda, itd.

Takođe, u ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije "ŽETVA 2011" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 80 komada.,
- mine, granate, trombloni i slično - 41 kom.,
- pištolji – 17 kom.,
- 961 komad municije raznog kalibra, itd.

Sarajevo, 22.07.2011.godine